

ত্রিপুরা সরকার  
তথ্য ও সংস্কৃতি অধিকার

\*\*\*\*\*

স-৪৯৮৩

আগরতলা, ২৭ ফেব্রুয়ারি, ২০২৪

### ৪২তম আগরতলা বইমেলা

#### বইমেলায় ষষ্ঠদিনে বিক্রি ৮ লক্ষ ৬৬ হাজার টাকার বই

৪২তম আগরতলা বইমেলায় আজ ছিল সপ্তম দিন। গতকাল বইমেলায় ষষ্ঠদিনে মোট ৮ লক্ষ ৬৬ হাজার ৪০ টাকার বই বিক্রয় হয়েছে। তথ্য ও সংস্কৃতি দপ্তরের উদ্যোগে আজ হাঁপানিয়াস্থিত আন্তর্জাতিক মেলা প্রাঙ্গণের কবিতা মঞ্চে মোট ৩৮ জন কবি বাংলা ভাষায় স্বরচিত কবিতা পাঠ করেন। সঞ্চালনা করেন কবি স্বামী ইন্দু। এদিকে বইমেলায় আজ শচীন দেববর্মণ স্মৃতি মঞ্চে খোয়াই জেলার শিল্পীগণ জনজাতি মামিতা নৃত্য, হজাগিরি নৃত্য, সমবেত সংগীত, একক সংগীত ও সমবেত নৃত্য পরিবেশন করেন। এছাড়া আগরতলার শিল্পীগণ শাস্ত্রীয় সংগীত, পঞ্চকবির গান, সমবেত সংগীত, একক সংগীত ও সমবেত নৃত্য পরিবেশন করেন। রাঙামাটি নাট্য ক্ষেত্রের শিল্পীগণ ‘গোমতী ফুঁসতাছে কর্তা’ শীর্ষক একটি নাটক মঞ্চস্থ করেন। সঞ্চালনা করেন শিল্পী দীপক সাহা।

\*\*\*\*\*